



Catas de Galicia 2021

XX CATA DOS MELES



Organizada pola Axencia Galega da Calidade Alimentaria (Agacal), da Consellería do Medio Rural, coa colaboración do consello regulador da indicación xeográfica protexida Mel de Galicia, terá lugar a XX Cata dos Meles de Galicia 2021 que consistirá nunha precata ou cata de selección e nunha cata final.

BASES DA CATA

1. Participantes.

Nesta cata poderán participar os meles envasados polas industrias inscritas no rexistro da indicación xeográfica protexida Mel de Galicia.

O mel debe pertencer á colleita do ano 2021 e deberá estar previamente cualificado polo consello regulador.

As industrias interesadas deberán enviar o boletín de inscrición anexo, debidamente cumprimentado, ao seu consello regulador **antes das 14 horas do día 2 de novembro de 2021**.

2. Categorías.

Establécense tres categorías:

Categoría A: Meles monoflorais

Esta categoría inclúe calquera dos meles monoflorais (eucalipto, castiñeiro, silva e breixo) incluídos no prego de condicións da indicación xeográfica protexida Mel de Galicia que cumpra as características propias destes meles.

Categoría B: Meles multiflorais

Inclúense nesta categoría os meles non considerados na categoría A, por non reunir os requisitos da mesma.

Categoría C: Mel de melada ou de bosque

Esta categoría inclúe aqueles meles que cumpran os requisitos definidos para estes meles no prego de condicións da indicación xeográfica protexida Mel de Galicia.

O consello regulador certificará que as mostras presentadas nas categorías A e C acreditan documentalmente que cumpren os requisitos esixidos.

Os envasadores de Mel de Galicia que desexen participar nesta cata só poderán presentar unha mostra por cada categoría.

3. Non será admitida ningunha industria envasadora que nos dous anos anteriores á presente cata, fose sancionada por infracción moi grave á lexislación agroalimentaria mediante resolución firme da Consellería do Medio Rural.

4. Recollida de mostras.

A identificación e recollida das mostras participantes será realizada pola organización coa colaboración do consello regulador, de acordo co programa que previamente se estableza. Levantarase unha acta de recollida que asinarán un representante da industria e un representante da comisión de recollida.

O representante da industria deberá sinalar, na mencionada acta, en que categoría desexa participar. No caso da categoría A, deberá concretar o tipo de mel monofloral (eucalipto, castiñeiro, silva ou breixo).

A mostra constará de catro envases de mel de 500 g de idénticas características, elixidos ao chou de entre o lote que se presente á cata. Un dos envases quedará na industria como testemuña e os restantes empregaranse na realización da cata-concurso.

Para asegurar o anonimato da marca participante na cata, e dada a gran diversidade dos envases empregados na expedición comercial dos meles, as mostras recolleranse en envases de cristal transparente sen marcas, debuxos nin calquera outro elemento que puidera levar á súa identificación.

Os envases serán etiquetados e numerados cun dígito que substituirá á etiqueta identificativa habitual do produto, e quedará rexistrado xunto coa marca comercial, categoría e o número de lote na acta de recollida correspondente. As etiquetas de cada envase serán asinadas por un representante da industria e por un representante da comisión de recollida. Os catro botes que constitúen cada mostra introduciranse nunha caixa que se precintará. Acto seguido, o industrial e un membro da comisión de recollida asinarán o precinto. Rotularase co nome da categoría.

As mostras recollidas serán transportadas ata o lugar de celebración da cata, onde se depositarán nun almacén precintado ata o inicio desta.

5. Xurado de cata.

Para a supervisión da cata nomearase un xurado que levantará acta de todas as incidencias na mesma. Actuará como presidente o director da Axencia Galega da Calidade Alimentaria e como secretario/a un/ha funcionario/a do Departamento de Promoción da Calidade Alimentaria da Agacal. No xurado estará representado o consello regulador.

O/A secretario/a do xurado comprobará as actas de recollida, o número das mostras dos meles recollidos e procederá a numeralas de novo de forma correlativa. As mostras serán novamente depositadas, permanecendo debidamente pechadas e precintadas ata o momento de iniciarse a cata de selección.

Se neste acto de numeración dos meles aparecese algunha marca ou sinal que puidera permitir o seu recoñecemento, a mostra será anulada.

6. Panel de cata.

Para a cualificación dos meles contarase con sete expertos en análise sensorial que poderán proceder de centros tecnolóxicos e científicos agroalimentarios, consellos reguladores, restauración, distribución especializada e medios de comunicación.

Os catadores empregarán un tipo de ficha de cata aprobada pola organización.

Para a puntuación de cada mostra de mel obtense a media das puntuacións individuais dadas polos catadores que compoñen o panel de cata, eliminando previamente as puntuacións extremas. En caso de empate, calcularase a mediana e, se persistise, a media xeométrica.

7. Procedemento da cata.

Os meles cataranse por series, realizándose os descansos precisos ata a conclusión da análise sensorial das mostras. O número máximo de meles seleccionados que pasarán á cata final será de seis por categoría.

Cando o número de mostras participantes o xustifique, farase unha precata de selección. As mostras de mel seleccionadas para a cata final serán renumeradas correlativamente polo/a secretario/a do xurado e permanecerán depositadas e debidamente custodiadas ata o momento da súa celebración.

A cata final realizarase seguindo as normas establecidas para a precata.

Finalizada a cata-concurso, o/a secretario/a do xurado procederá a identificar os meles premiados, e introducirá os datos das marcas e industrias premiadas en sobre pechado.

Este sobre abrirase no momento da entrega de premios, permanecendo entre tanto en poder do/a secretario/a do xurado.

O xurado desta cata-concurso coidará especialmente que se conserve o anonimato das mostras en todo momento. O seu ditame nos premios será inapelable.

8. Distincións.

O número de mostras que deben participar en cada categoría para que a cata teña lugar é de cinco.

As mostras mellor valoradas en cada categoría serán premiadas cun trofeo e un diploma que indique o posto acadado (Distinción de Ouro, Prata e Bronce). No caso de que o número de mostras participantes sexa de cinco, entregaráselle a Distinción de Ouro á mostra mellor valorada. Se o número de mostras participantes estiver comprendido entre seis e nove, entregaranse as Distincións de Ouro e Prata, e se houber máis de nove, entregaranse Distincións de Ouro, Prata e Bronce.

A entrega dos premios realizarase nun acto convocado e organizado para tal fin, que se dotará da máxima difusión posible, de acordo coa normativa sanitaria vixente nese momento.

9. Todos os participantes nesta XX Cata dos Meles de Galicia comprométese a acatar as presentes bases.

10. O director da Agacal ditará cantas disposicións sexan necesarias de cara ao correcto desenvolvemento desta XX Cata dos Meles de Galicia.



Catas de Galicia 2021 XX CATA DOS MELES

BOLETÍN DE INSCRICIÓN

Industria

Marca comercial

Categoría

Marca comercial

Categoría

Marca comercial

Categoría

Enderezo (rúa ou lugar, nº)

C.P. e Localidade

Provincia

Teléfono

E-mail

Sinatura:

Este Boletín, debidamente cuberto, enviarase antes das 14 horas do día 2 de novembro de 2021, ao consello regulador da indicación xeográfica protexida Mel de Galicia.

